

- *eit regionalt øvingscenter for brann- og redningsmannskap*

Forretningsplan 2021 - 2023



Utarbeida av styret i Berivest AS 12. mars 2021

Odd Harald Eide, styreleiar

Torill Torsvik Størkersen, styremedlem

Anne Magrete Bollmann, styremedlem

Fagleg rettleiing av Sigvald Kvinge, Brannsjef i GMBR

Innhald

	Side:
1. Bakgrunn for etableringa	3
2. Bedriftsinformasjon	3
3. Samfunnsikkerheit – lokal og regional beredskap	4
4. Kort status	5
5. Formål	5
6. Forretningsidé	6
7. Marknadsvurdering	6
8. Økonomi	7
8.1 Investeringar	7
8.2 Driftsbudsjett	7
8.3 Balanse	8
9. Kompetanse i organisasjonen	9
10. Utsleppsløyve og andre godkjenningar	9

1. Bakgrunn for etableringa

I januar 2007 kom det krav om å auke kompetansen og tryggleika til brannpersonell på deltid. Krav om grunnkurs vart innført etter kvart, og overgangsordninga med å få krava iverksett har vore utsett 3 gongar. Ordninga er avslutta, og statleg øyremerka midlar til kompetanseheving er forlengst tilbakelagt. Frå 1. Januar 2017 vart det opp til kommunane å rette opp avvika og utdanne konstablar og utrykningsleiarar i tråd med Dimensjonseringsforskrifta.

Gulen og Masfjorden Brann- og Redning vart etablert i 2011, og har i skrivande stund 52 personar som skal gjennomføre grunnkurs, og 14 personar som skal bli utrykningsleiarar (sjå vedlagt plan for gjennomføring av utdanning). I løpet av 3 år ynskjer GMBR å få heva kompetansen til personalet, slik at ein kan ivareta tryggleiken som er påkravd for dei tilsette. Også kringliggande kommunar i regionen har tilsvarande avvik. Dei siste åra har det ikkje vore sett av kommunale midlar til å dekke desse avvika, ut over statlege øyremerka midlar på kr 200.000,- som ein fekk i 2014.

I arbeidet med å sende personell på kurs, synt det seg at kostnader knytt til 20 personar kom på kr. 700.000 i 2012/13, dvs. 35.000 pr. deltakar. Pr. 2021 er desse kostnadane kring kr. 50.000 for kvar deltakar. For ei totalramme på 52 personar i mannskapet, vil det utgjere 2,6 mill. Kurs for utrykningsleiar har også ein totalkostnad på omlag kr. 50.000 pr. person. Rekna for 14 deltakarar blir dette kr. 700.000. Totalt vil det koste meir enn 3,3 mill. over 3 år for å lukke desse kompetanseavvika ved eksternt kjøp. Det vart derfor vedteke å etablere eige senter for å gjennomføre denne utdanninga lokalt, samt å styrke førebyggjande beredskap hjå lokalt næringsliv. Ved ei slik etablering vert reisekostnadane minimaliserte, og deltidstilsette i andre jobbar får enklare høve til å gjennomføre kursa.

2. Bedriftsinfo Berinvest AS

Org.nr.: 926 406 108

Adr.: Sløvågen 44. 5960 Dalsøyra

Tlf.: 906 91 335

Heimeside: www.berinvest.no

3. Samfunnsikkerheit – lokal og regional beredskap

Lokal og regional beredskap har stort fokus i Stortingsmelding nr. 5 (2020-2021)

«Samfunnssikkerhet i en usikker verden».

Meldinga skal leggest fram for Stortinget i løpet av våren. Under behandling i Justiskomiteen, kom fleirtalet med følgende uttale:

«Flertallet mener det er behov for et løft for den nære beredskapen i form av flere øvelser, økt koordinering og samvirke, bedret kompetanse og styrket finansiering, og fremmer følgende forslag»:

- *«Stortinget ber regjeringen styrke den kommunale beredskapen, blant annet ved å sørge for bedre samordning og flere øvelser på tvers av kommuner og med andre relevante aktører samt helhetlige risiko- og sårbarhetsanalyser.»*
- *«Stortinget ber regjeringen etablere regionale øvings- og beredskapssentre for samtrening og kompetansebygging, som også vil fungere som ressursbanker for regionale beredskapsressurser.»*
- *«Stortinget ber regjeringen styrke statsforvalternes pådriver- og veilederfunksjon på beredskapsområdet.»*
- *«Stortinget ber regjeringen sørge for at etater som har ansvar for ulike deler av samfunnets beredskap, øver sammen i tråd med gjeldende trusselbilde.»*
- *«Stortinget ber regjeringen sikre koordinert planverk og øvelser på tvers av sektorer og forvaltningsnivåer samt at de ulike aktørene øver jevnlig sammen.»*

Vert desse vedtaka ståande etter behandling i Stortinget, vil det gje Berivest eit politisk skyv i vidare arbeid med utvikling av øvingsssenteret. Det vil også gje muligheit til å bli et regionalt øvingsssenter, noko som kan sette Sløvåg og Nordhordland på beredskapskartet med støtte frå nasjonale myndigheiter.

4. Kort status

Gulen og Masfjorden kommunar har til saman løyvd kr. 2.85 mill. til oppbygging av øvingscenteret på Sløvåg Industriområde, samt kr. 100.000 i aksjekapital. Senteret er ferdig etablert, med kurslokale til 25 personar, kontor og garderobefasilitetar, samt brannfelt med røykdykkarhus. Selskapet vart formelt stifta 01.01.21, der ordførarane i baa kommunar utgjer generalforsamling.

Øvingscenteret er etablert etter samrøystes vedtak i kommunestyret i Masfjorden 13. des. 2018 og kommunestyret i Gulen 14. februar 2019.

I styret sit Odd Harald Eide frå Gulen kommune og Torill Torsvik Størkersen frå Masfjorden kommune, samt Anne-Margrete Bollmann, med erfaring frå både sivilt og militært beredskapsarbeid. Brannsjef Sigvald Kvinge støttar arbeidet med fagleg rettleiing.

Nærliggande kommunar og næringsliv er svært positive til etableringa, og ei rekkje bedrifter har inngått intensjonsavtalar.

5. Formål

Formål med etableringa av eit øvingscenter for brann- og redningsmannskap er å sikre rett kompetanse til eige mannskap i GMBR til ein kvar tid. Gulen og Masfjorden vil med denne etableringa vere føregangskommunar i arbeidet. I det praktiske virke viser det seg at brann- og redningspersonell ofte er dei første på staden i vårt distrikt når ei hending oppstår. Gulen og Masfjorden er eit stort geografisk området, som krev dekning av eit stort tal brann- og redningspersonell. For å ivareta deira sikkerheit, og lovpålagt krav om kompetanse, må eit stort tal av dagens tilsette kursast. Eit sekundært formål ved etableringa er at næringsliv og nærliggande kommunar og regionar òg kan nytte seg av senteret, ved å kjøpe tenester hjå Berinvest AS, ved ledig kapasitet.

6. Forretningsidé

Berivest AS tilbyr kurspakkar og utdanningar til personell i kommunar og bedrifter som etterspør kompetanseheving innan brann- og redning. Overskot i drifta skal nyttast til å vidareutvikle selskapet, samt kunne tildele eigarkommunane utbyte. Dette vil igjen kunne styrke det lokale brann- og redningskorpset, GMBR. Ei enkel marknadsvurdering tilseier at det i 2021 og framover enno er eit lenge umetta behov i både kommunal- og privat sektor for slik kompetanseheving.

Målet er at Berivest AS skal vere det kvalitetsmessig føretrekte øvingscenteret på Vestlandet, særskilt for Nordhordland, Bergensregionen og ytre Sogn. Selskapet skal til ei kvar tid kunne stille anlegg og kurspersonell tilgjengeleg for GMBR og tilby godt kvalifiserte utdanningar innan brann- og redning. Selskapet legg opp til samarbeid med FoU-institusjonar, direktoratet for samfunnssikkerheit og beredskap, Norges brannskole, sivilforsvaret, Helse Bergen, Statsforvaltaren og næringslivet.

7. Marknadsvurdering

Ei kartlegging av ei rekkje kommunar og bedrifter, syner at det er eit aukande behov for kjøp av tenester innan kurs for brann- og redning. Mange er svært positive og har inngått intensjonsavtale med Berivest om kjøp av tenester for om lag 2,2 mill. kroner over ein 3 års periode. Særskilt det lokale næringslivet i sterk vekst, er interessert i etableringa av senteret, dette for å redusere opphald- og reisekostnader ved gjennomføring av slike kurs. I samtalar med kommunar er tilbakemeldingane at det er eit aukande behov for brann- og redningskurs, då dei fleste har tilsvarende avvik som våre eigne kommunar. Det er også ei kontinuerleg utskifting av deltidsbrannkonstablar. Sivilforsvaret har også svara ut potensialet for kjøp av eksterne øvingar.

8. Økonomi

8.1. Investering

Det er til no investert kr. 2,75 mill. i øvingscenteret på Sløvåg Industriområde. Anlegget består av kurslokale med garderobefasilitetar og kontor, samt øvingsfelt med røykdykkarhus.

Selskapet er pr. mars 2021 i slutfasen med kjøpsforhandlingar av eit gassanlegg til ein verdi av om lag kr 600.000. Brakkene som stod på øvingsarealet og no er ombygd til kurslokale, er overdratt utan vederlag frå Sløvåg Utvikling til Berinvest AS.

Koronasituasjonen siste året, har gjort at etableringa av senteret har tatt lenger tid enn tenkt. Dette har ført til auka kostnader før senteret kom i drift. I tillegg får selskapet ikkje refundert utlagt mva. for investeringane. Kalkulerte kostnader auka derfor med 25%.

8.2. Driftsbudsjett

Øvingsareal vert leigd av Sløvåg Utvikling AS, og kursaktiviteten vart starta opp i slutten av februar 2021. Utover i 2021 planlegg vi 2-3 kurs i GMBR. Dei første driftsåra er fokuset å utdanne GMBR sitt personell for å lukke naudsynte avvik. Vi er likevel avhengige av å selje kurs til andre kommunar og bedrifter for å dekke utgiftene, sidan investeringane til Gulen og Masfjorden kommunar skal motreknast kursavgifta. Kursa er i hovudsak basert på innleige av instruktørar. Driftsbudsjettet er nøkternt sett opp etter utdanningsplan for GMBR. Prosjektleiing er lagt til investering.

	2021	2022	2023
Inntekter:			
1. Sal av grunnkurs til GMBR jmf. opplæringsplan 2021 - 2023	(360.000) 12 pers.	(600.000) 20 pers.	(600.000) 20 pers.
2. Sal av kurs for utrykningsleiar deltid GMBR (beredskapsutdanning trinn 1)	(120.000) 4 pers.	(150.000) 5 pers.	(150.000) 5 pers.
3. Sal av kurs til andre kommunale brannvern	210.000 (7 pers)	300.000 (10 pers)	450.000 (15 pers)
4. Sal av kurs til næringslivet	300.000	400.000	400.000
Sum inntekter	990.000	1.450.000	1.550.000

Variable kostnader:			
Innleige av eksterne instruktørar, kost/losji, reise: jmf. pkt. 1- 4	205.000	350.00	400.000
Innleige kurskoordinator:	45.000	70.000	75.000
Sum variable kostnader	250.000	420.000	475.000
Faste kostnader:			
Straum, komm. avg. o.a.	50.000	50.000	50.000
Arealleige	187.000	187.000	187.000
Forsikring	20.000	20.000	20.000
Rekneskap	20.000	20.000	20.000
Div. kostn.	15.000	15.000	15.000
Finanskostnader	15.000	15.000	15.000
Sum faste kostnader:	307.000	307.000	307.000
Sum kostnader:	557.000	727.000	782.000
Resultat:	433.000	723.000	768.000
Avskrivning Gulen og Masfjorden kommunar	480.000	750.000	750.000
	-47.000	-17.000	18.000

Dess fleire kurs ein får seld eksternt, dess meir vil selskapet kunne tene. Kurs til GMBR gir ikkje direkte inntekter, og mengda av desse kursa må tilpassast eksterne inntekter fram til kommunane sine investeringar er dekkja. Kostnader ved dagleg drift i 2022, må vurderast på nytt etter 2021-erfaringar i høve utgifter til administrasjon. Førebels er administrasjon lagt inn som variabel leige av personell på timebasis. Inntil selskapet si drift krev meir enn enkel koordinering, organiserer styret drifta. For å sikre rett kompetanse, vil brannsjefen i GMBR

retteleie ved innhenting av instruktører og kursassistenter.

8.3 Balanse

Inngående balanse pr. 1.01.21 er sett til 100.000 i aksjekapital, i tillegg verdi på anlegget som pr. mars 2021 ikkje er taksert. Verdien er førebels sett til investeringssum på kr. 2.75 mill.

9. Kompetanse i organisasjonen

Det vil vere naudsynt å leige inn godkjende instruktører til både interne og eksterne kurs. Berivest AS har så langt avgrensa instruktørfagleg kompetanse i eigen organisasjon. Selskapet vil samarbeide med GMBR for innleige av lokale instruktører.

10. Utsleppsløyve og andre godkjenningar

Selskapet treng utsleppsløyve i høve forureiningslova. Søknad har tidlegare vore handsama hjå Fylkesmannen i Sogn og Fjordane. Søknaden er revidert i høve nye firmaopplysningar, og ligg no for ferdighandsaming hjå Statsforvaltaren i Vestland. Berivest AS har god kontakt med Statsforvaltaren, og har fått positive signal om at løyvet blir gitt.

Øvingsanlegget skal godkjennast av DSB/ Norges Brannskole. Denne godkjenninga vert gjeve når utsleppsløyvet er på plass.